

14
KASSE

Annotations in nom^o testa^mi Emseri:
Excursus eiusdem ex pte Albatise Nurnberg
Glossa et Commentu Joh. Codei sup 15 q. art.
izati ex quodam sermone heresiariche Lutheri
de sacrosanta Missa et Novo testamento
Defensio Hieronimi Gebroyler Rectoris scolari
Eccle Strasburgensi / aduersus eos q. calumniantur
et impugnant laudem Decypare et V. Marie
ac Omⁿi d. nec no^o poptime ordinate insti^t
tutionis S. Matas Ecclie

Omnes lingua vernacula

Biblia 484^r
Mba. 14.

Emser entschuldigung von wegen
der Ehrwürdigen Domina
der Abtissin zu
Nürnberg



☞ Mit gunst wissen vnd willen des Ordinarij/
Loci. Inhalt. K. M. mandat / außgangen.

INSTITUT FÜR ANTIKVIARISCHES BUCHWESSEN
AN DER UNIVERSITÄT SACHSEN-ANHALT
MAG. DR. GÜNTER HOFFMANN
LEHRSTUHL FÜR ANTIKVIARISCHES BUCHWESSEN

VERLEHRENT
VOM 12. SEPTEMBER 1954
BIBLIOTHEK



Als ist das fur ein buberey / das yr lofen
w vetter die do wider got / ehꝛ / vnd recht.
vnd wider Keyserlicher Maiestat / vnd
des gantzen Reichs ordnung vñ verbot
ein schantbuch nach dem andern außschuttet / nit ge-
fettiget / Babst vnd Bischoff / Keyser / Konig vnd
fursten zu schmeben vñ zu lestern ? Söder muest euch
zu letst auch an ein vnschuldige Fückfrawen legen /
vnd deren yren brieffso vnschuldlich dewten vñ vor-
keren / wo sie anderst den geschriben / vnd yr nit bey
de / nemlich brieff vnd dewtung selber erticht habt.
wolches ich euch auch wol zugetraw. Dan wiewol
mir lenger dann vor eym iar ein brieff / fast des lawts
zukomē / so gedacht ich doch so bald / es muest yen-
dert sust e'n hacken haben / vnd kunde bey mir nit er-
findē das er daber komē wer / Darumb das ich mit
diser Erwürdigen Domina gantz vn bekant / vnd sie
mir auch weder vor noch nach / nye kein mal geschri-
ben. So ist sie auch als ich yhr Ehrwürdigkeyt hoz
nach sagen vnd schreyben / der geschicklichbeyt wol
das sie mir vngezweyfelt wol ein gantzen Lateynisch
en brieff hette schreyben konnen / wo es yr gedicht
gewest.

Im sey aber nun wie ihm sey / vnd im fall das es
gleych yr / ader einer andern geystlichen Junckfraw
en gedicht wer. so habt yr doch die copey des brieffs
(wie euch die zugeschantzt / ist mir verborge) gar an
vil orten vorkert / also das sie mit dem original das
mir zukomē / nit allenthalben gleych stymmet. Dan
in meinem brieff der noch vorhanden / stehet nit sin-
gularem / sonder singulare presidij. Und wen gleich

eintitel vbersehen ader zu vill gesetzt worden / was
wer das fur ein groß Woer wunder / von einer iüch
frawen / So yr grossen Rabi / in ewern schantbuch
ern Peiscianum so oft an ein or schlabet / vnnnd ewer
trucker aley in disem brieff / vber an zweyntzig stel
len falsch gedruckt hat / als delictarum pro derelicta
rum / mittatur pro mittat / so / fur sechtzig. dann da in
meinem beief stehē / die zwen zyfern 60 (das sechtzig
bedewt) hat er gelesen vnd gesetzt so / vñ der gleich
en yrthumb vil. Sed dat veniam comis Alexat censu
ra columbas.

Es stehet auch in meinem brieff nit / so voanische
sonder so vor: misse ich mich, E, E. anzusprechē / wol
ches yr freylich selbs wol vor: standen / vnd die gloß
(das vor: mischen manicherley sey) mutwilling ange
hengt habē. Schemet yr euch aber nit in ewer hertz
einer frommen Junckfrawen / yre wort so schendt
lich aufzulegen.

Über das wortlein Charitas omnia suffert / darzu
yr gesetzt habt. Ya manichen gutten trunck / ya möch
vnd pfaffen zc. Solt yr groben Esell vnnnd vnreynen
Gew das berlin der heyligenn schrifft / nit also besu
deln / noch soliche wort einer erbern Junckfrawē /
sonder ewern außgelouffen Monnen zuschreyben.

Über gantz giftig vnd geferlich betzuchtiget yr
die Ehrwürdige Domina / vnnnd habt das wortley
(allermeist der regenten halb) sampt der angeflückte
gloß / selber erticht / die vnschuldige Junckfrawen
bey yr Stat vnnnd Regenten zuuorunglympffen. Die
doch (wie der brieff / der mir zukomen / außweyßt)
weder die Regenten noch yemant in sonderbeyt ge

nent ader beschuldiget hat / sonder in einer gemeyn
geschriben vnd geklagt / das yr Vatterland / durch
falsche vñ frombde leer dermassen vor giff / welches
sie dannocht nit gemeyner Stat zugemessen / vnd mit
aufgedruckten wortenn bestympt hat / das got lob
noch vil frommer burger vñ burgerin also sein / die
yre knye vor dem Jdolo noch nit gebogen habenn /
wolches wort sie auch nit der argen meynüg geschri-
ben / wie yr argdenckigen das aufleget vnd spricht
Junckfrawen sollen nit vil mit knyen schertzē. Son-
der hat sie das auß der Bibel gelesen. iij. Regū .xix.
also got spricht zu dem propheten Helie / wie er ym
sibē tawset man auß dē volck Israhel vor behaltē / die
yre knye nit gebogen haben vor dem abgot Baal.

Also vorkert yr der guten Junckfrawen auch yre
wort / diß ortz do sie ewere schantbuchlein / blossē
wort genent hat / vñ glosieret am rand / fraw ist euch
das Euangelion blossē wort / gleych als ob alle ewe-
re schandtbucher / nichtzit weren dann eytell Euan-
gelion.

Aber dise Junckfraw vñ domina ist (als ich hor)
so eins ehlichen herkomens / so eins geystlichen tu-
gentlichen lebens / vnd so eins guten vnuorleymbd-
ten geruchtes / das yr / ewere lügen vñ lestermewler
nichtzit schaden mogen / vnd euch freylich kein from-
mensch glawben wirt / dan handelten yr aufrichtig
vnd redlich / ader weret erber lewt / so bettē yr euch
ewer namen vnd zunamen nit schemen dorffen.

Und vorwundert mich was yr doch die ehzwir-
dige domina geziehen. Euch thut villeicht zorn / das
sie yre Lampen nit auch verschutten wil / als die tho

richten Junckfrawen / die sich falsche propheten auß
yren Clostern haben sprechen lassen / vñ sie d̄ schimpf
nw gerawen das sie eins teyls von den mannen ge
lauffen vnd gern wider hineyn weren / Ader konnet
vileicht auß bosshēyt vnd neyd nit hōrē / das sie mei
ner person vñ meinē buchern so vil lobes zugemessen
wolches ich mich doch gar nichtzit anheim / sond̄
mich des selbs vnwürdig erkenne / vñ solt diser brief
meinthalben in der warheit so weyt nicht kommen
noch außgebreyt worden sein wo yr des nit selber
thetter vnd vorretter gewesen / Dan ob gleich frem
men leuten auß meinen schriften trost vnd besserung
entsprosse (Darumb ichs auch erstlich angefangen)
so weyß ich doch wol / das ich nit mir / sonder got
die eh̄ zuschreybē sol / wie David spricht *Mō nobis
dñe non nobis sed nomini tuo da glorian.*

Derhalbenn so erman ich euch (wo yr anderst ein
Christlich gemuet bey euch habt) yr woltet / die vn
schuldigen fromen kinder mit sollichen hendeln vn
belestiget lassen. Ir habt mein buch wider den falsch
en Ecclesiasten. Item des hochgelerten doctor Lo
cleus / Joānis Fabri. Her̄ wolfgang Keßerbergs
zu Franckfurt an d̄ Ader des Ertzbischoffs zu Loicy
ra vnd andere buchleyn / die alle frisch außgangenn /
warüb reybt yr euch nit an der selben eins was ist
das yhr euch allein auß brieffleget / die selben zube
schmiren / vnd ein do den andern dort anfassen vñ be
ruechtigen / wie yr auch dem abt von Kemnitz vnd an
der fromme leuten gethan habt. Konnet yr aber ew
ern nawen glawben nit anderst anfahen dan mit iniu
rien wider alle gottlich vnd brüderliche liebe / Ader

sol das Euangelich sein / das einer sein nechsten also
vorrat vñ vorkawfft? Weynet yr ob gleych der Kei
ser vnd das gantz Reyck ewern mutwillen ytzo dub
den vnd leyden muß / das mans darumb allweg von
euch leyden werd? Alder das got ewere lestermewter
mit der zeyt nit selber straffenn werd. wie er Dathan
vnd Abyron gethan hat. Ja wolt got / das nit der vn
schuldige mit dem schuldigen gestrafft / vnd die gantz
werlt ewres vnchristlichen schenden vñ lesters wi
der todt vnd lebendig entgelten muess / wie wir got
tes zorn ytzo leyder ernstlich vor augen sehen. Dann
yr auch wid sein noch seiner heyligē verschont habt.

Sollichs hab ich euch zu getrewer warnung vñ
der Ehrwürdigen Domina (die freylich vnschuldige
in diß spil kompt) zu rettung ebr vñ glympff / nit vor
halten wollen. Die gtoßen aber die mich belangen /
will ich alsdan vorantworten / so yr euch mit namen
nennen werdet / vnd ich weyß wider wen ich schrey
ben sol.

wolfgang Stockel.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.



Fc 6496

ULB Halle
003 724 123


3

f


sb.



225







B.I.G.

Farbkarte #13

Schuldigung von wegen
würdigen Domina
r Abtissin zu
Nürnberg



ssen vnd willen des Ordinarij
K. M. mandat / aufgangen.

